

monachis apostatantibus, usque hodie manet imperfectum, a. D. 1468. — Qui¹⁾ Calixtus excommunicavit omnes agentes contra prefatos monachos.

Erste Fortsetzung²⁾.

A. D. 1464. Paulus II. annis 7.

Paulus II. Venetus. Hic approbavit celebrationem festi presentacionis beate Virginis gloriose sicut pius. Hic etiam in signandis petitionibus maturus fuit et justicie tenax, quasi melius foret pauca condonare et ea firmiter servare, quam plura signare et statim revocare. Ipse etiam jubileum mutavit in favorem animarum de 25^{to} (l. 33^{cio}) in 25^{tum} annum; quia habundat iniquitas, superhabundet et gracia. Grande etiam palacium construxit apud Sanctum Marcum, ante cujus complecionem moritur anno Domini 1471, die 21. Julii.

A. D. 1471. Sixtus IV. annis 13.

Sixtus IV. ante cardinalatum fuit generalis in ordine Minorum bone fame et morum. Fuit etiam vocatus ad cardinalatum absque scito suo. Eodem anno orator Bernhardus Justinianus Venetorum recitavit coram eo, quod Turcus abstulisset christianitati duo imperia, quatuor regna, 20 provincias et 200 urbes populumque absque numero utriusque sexus; hortabatur quoque, ut ad resistendum se disposeret.

Zweite Fortsetzung.

A. D. 1485. Innocencius VIII. annis 8.

Innocencius VIII. patria Genuensis octo annis ecclesie presedit; plurimis morbis gravatus, plenus virtutibus et bonis operibus migravit ad Dominum a. D. 1492.

Alexander VI. sedit annos 8, moritur in jubileo.

Alexander VI. nacione Hyspanus, vir omnium astutissimus fuit et magne crudelitatis. Mira enim de eo referuntur et scribuntur, que hic non sunt ponenda. Hic apperuit auream portam Rome in anno jubileo videlicet 1500, que tamen plurimis annis extitit clausa. Prefuit et ipse 8 annis, et moritur in jubileo prefato.

Pius III. presedit paucis diebus.

Post Alexandrum VI. suscepit ecclesiam regendam Pius III, sed quia paucis diebus presedit, ideo nihil memorabile gessit.

Julius II. presedit annos duodecim, obiit 1510.

Julius II. nacione Genuensis, patruus Sixti IV. et ab eo

1) Sic! Dieser Zusatz, vielleicht auch schon die vorhergehenden, etwas früher geschriebenen Worte, scheinen von der Hand des Abtes Johannes zu sein, welcher zu Bonifaz IX. bemerkt hat: 'Sub isto papa Ego Johannes Faucensis abbas cognomine Hasso sum natus'. 2) Die Schrift ist der des früheren Textes sehr ähnlich, auch ist der Name Paulus II. unter dem Bilde, dem letzten der ursprünglichen Reihe, noch von erster Hand. Die Rubricierung fehlt von hier an.